



Ealaíontóirí ag seoladh *Constellations: Selected Work from Crawford Art Gallery*, Gailearaí F.E. McWilliam, 14 Feabhra, 2026. ©Edward Byrne Photography

GRIANGHRAIF: Tá taispeántas trasteorann de bhailiúchán Gailearaí Ealaíne Crawford ar oscailt i nGailearaí F.E. McWilliam.

D'fhreastail Amanda Coogan, Michael Hanna, Ronnie Hughes, Nick Miller agus Jennifer Trouton ar Chailearaí & Stiúideo F.E McWilliam i nDroichead na Banna an deireadh seachtaine seo caite chun taispeántas mór grúpa a sheoladh.

Beidh *Constellation: Selected Works from Crawford Art Gallery*, ar taispeántas ón 14 Feabhra go dtí an 2 Bealtaine, agus cuimsítear saothair 14 ealaíontóir atá lonnaithe ar oileán na hÉireann. Agus é ceangailte leis an úsáid a bhaineann na

healaíontóirí as dath misniúil agus as téamaí comhroinnte an dúlra, an tsoil tí agus na féiniúlachta, tá réimse saothar ealaíne sa taispeántas seo idir scannánaíocht agus ghrianghrafadóireacht, idir líníocht agus dealbhóireacht.

“Tá áthas ar Ghailearaí Ealaíne Crawford an chomhpháirtíocht seo le Gailearaí F.E. McWilliam a neartú agus tacú le camchuirteanna láidre agus malartú institiúideach ar fud oileán na hÉireann,” a dúirt **Mary McCarthy, Stiúrthóir Ghailearaí Ealaíne Crawford** faoin gcaidreamh. “Tugann *Constellations* mar thaispeántas deis iontach do na healaíontóirí taispeántais teacht ar lucht féachana nua agus páirt a ghlacadh i gcomhrá laistigh de chomhthéacs nua.”

Dúirt an **Dr Riann Coulter, Coimeádaí Ghailearaí F.E. McWilliam**, ‘Taispeánann *Constellations* roinnt de réaltaí shaol ealaíne na hÉireann agus léiríonn sé cáilíocht agus éagsúlacht Bhailiúchán Ghailearaí Ealaíne Crawford. Táimid buíoch de Ghailearaí Ealaíne Crawford as na saothair iontacha seo ó Bhailiúchán Náisiúnta na hÉireann a roinnt agus táimid ag tnúth le fáilte a chur roimh chuirteoirí chuig an taispeántas bríomhar tarraingteach seo’.

Is é *Constellations* an chaibidil is déanaí i gcaidreamh trasteorann leanúnach idir Gailearaí F.E. McWilliam agus Gailearaí Ealaíne Crawford a thosaigh in 2013 Tá saothair bhreise na n-ealaíontóirí atá sa ghrianghraf ar taispeántas agus saothar ealaíne le **Aideen Barry, Declan Byrne, Tom Climent, Laura Fitzgerald, Katie Holten, Dragana Jurišić, Isabel Nolan, Niamh Swanton, and Corban Walker.**

CRÍOCH

www.crawfordartgallery.ie

Dyane Hanrahan, Bainisteoir Margaíochta & Cumarsáide

R: dyanehanrahan@crawfordartgallery.ie

T +353 (0) 21 4907856 M +353 (0) 86 8278151

Sorcha O'Brien, Feidhmeannach Margadóir & Cumarsáide

R: marketing@crowfordartgallery.ie

T +353 (0) 21 4907856

Nótaí don Eagarthóir:

Le haghaidh íomhánna fotheidealaithe ardaifigh, [cliceáil anseo](#).

Maidir le Ghailearaí Ealaíne Crawford

Tá Gailearaí Ealaíne Crawford dúnta don phobal faoi láthair le haghaidh athfhorbartha mhóir; Claochlú Gailearaí Ealaíne Crawford.

Is institiúid chultúrtha náisiúnta é Gailearaí Ealaíne Crawford atá suite i bhfoirgneamh oidhreachta suntasach i gcroílár chathair Chorcaí, agus atá tiomnaithe do na hamharc-ealaíona, idir stairiúil agus chomhaimseartha. Agus é ag cur clár fuinniúil taispeántas sealadach ar fáil, tá bailiúchán náisiúnta tábhachtach faoina dhíon freisin a insíonn scéal spéisiúil Chorcaí agus na hÉireann le trí chéad bliain anuas.

Tógadh ar dtús i 1724 é mar Theach Custaim na cathrach agus tá Múnlaí cáiliúla Canova ar taispeáint sa Ghailearaí, a bronnadh ar Chorcaigh dhá chéad bliain ó shin. I measc bhailiúchán an ghailearaí, tá os cionn 3,500 saothar ó ealaíontóirí comhaimseartha na hÉireann agus idirnáisiúnta Isabel Nolan, Gerard Byrne, Joy Gerrard, Rula Halawani, Kathy Prendergast, Dorothy Cross, Sean Scully agus Nedko Solakov mar aon leis na saothair ó na healaíontóirí a bhfuil an-tóir orthu James Barry, Mainie Jellett, Daniel Maclise, Norah McGuinness, Harry Clarke, Seán Keating, John Lavery, Evie Hone, Patrick Scott, Mary Swanzy agus Jack B. Yeats.

Maidir le Chlaochlú Ghailearaí Ealaíne Crawford

Tá Gailearaí Ealaíne Crawford dúnta don phobal agus tá tionscadal athfhorbartha caipitil spreagúil ar bun aici faoi láthair: Gailearaí Ealaíne Crawford a chlaochlú.

Cuirfidh an infheistíocht, ar fiú na milliúin euro é, beagnach 50% breise le spás an ghailearaí, agus déanfaidh sé trí chéad bliain d'oidhreacht thógtha a chaomhnú agus a chosaint, agus cruthófar oidhreacht chultúrtha don ghlúin amach romhainn de réir mar a bheidh Corcaigh ag leanúint ag fás.

Is togra de chuid Thograí Rialtas na hÉireann 2040 é atá ag fáil maoiniú ón Roinn Cultúir, Cumarsáide agus Spóirt i gcomhar le hOifig na nOibreacha Poiblí (OPW).

Tá Ailtirí Grafton, [a bhfuil gradaim bainte acu, tar éis obair a dhéanamh ar dhearadh athfhorbartha](#) lena n-áirítear áis Foghlama agus Fiosraithe nua le rannpháirtíocht ghníomhach, stóráil shuntasach don Bhailiúchán Náisiúnta,

bealach isteach nua, agus spás poiblí a bheidh feabhsaithe go mór lena n-áirítear caifé nua ar Shráid na Leathghealaí chomh maith le spásanna taispeántais breise. Beidh bealach isteach an fhoirgnimh curtha ar ais go Plás Emmet de réir leagan amach Theach an Chustaim a chuaigh siar go 1724. Cruthófar spás mór gailearaí nua, a chruthaíonn radharc do chuairoteoirí chun féachaint ar shainchomharthaí i lár na cathrach lena n-áirítear Ardán San Anna, An Seandún agus Ardeaglais Naomh Fionnbarra.

Chun níos mó eolais rialta a fháil ar Chlaochlú Ghailearaí Ealaíne Crawford, is fearr clárú do nuachtlitir an ghailearaí ar www.crawfordartgallery.ie nó lean muid ar mheáin shóisialta an ghailearaí.